

F1294
1821

საქართველოს სახელმწიფო

საქართველოს სახელმწიფო



თავისუფალი

საქართველო

№ 3.

15 ივლისი, 1921 წელი.

№ 3.

ბოლშევიკები საქართველოში.

II.

საქართველოს „კომუნისტების“ აზრი ყველამ კარგათ გაიგო, რეაქციონერებმა, რომელნიც სიხარულით შეეგებენ ბოლშევიკების იარაღის წარმატებას, როგორც დიდი რუსეთის აღდგენისაკენ მიმართულ ნაბიჯს, და მოსკოვმაც, რომელიც ყოველი საშვალეობით ცდილობს ამ იმპერიალისტური აქტის გამართლებას. მხოლოდ ქართველი კომუნისტების თავხედობას და მათ უკან ათხარაკებულ ბ. თედო ლლონტის და კომპ. უგნურებას შეუძლია თებერვლის ამბები რევოლიუციურ აქტათ გამოიყვანოს.

მაგრამ წინააღმდეგ მიზა ცხაკაიას გონება აბნეულ განცხადებისა თითქოს ჩვენში აჯანყება ყოფილიყოს, ადგილობრივი ბოლშევიკები ვერ ფარავენ იმას, რომ ისინი მხოლოდ უცხო იარაღის შემწეობით შემოვიდნენ საქართველოში და თავის გასამართლებლათ შექმნეს კიდევ თავდასხმის ფილოსოფია, რომლის შინაარსი ასე გამოხატეს:

„რუსეთის წითელი კომუნისტური ჯარი, ეს ჩვენი კლასობრივი ამხანაგები ჩვენ დავიხმარეთ: ჩვენს შინაურ კლასობრივ ბრძოლაში და საქართველოს ანტანტის ბრწყინლებიდან გასანთავისუფლებად იმ დროს, როცა მენშევიკები გარეშე და შინაურ ძალებით საქართველოს მშრომელ ხალხს მუხრატს უჭერდა, მეზობელ პროლეტა-

რულ (!) სახელმწიფოებს საფრთხეს უმზადებდა. ისინი იქნებოან აქ მანამღი, სანამ არ შეეჭმნით ჩვენს, საქართველოს კომუნისტურ წითელ ჯარს ღარ გაცეტებთ ჩვენი მტრების ყოველივე ფიქრს—ოცნებას ძველის აღდგენა-განმეორების შესახებ“. (კომ. № 51. 5 მისი).

გარდა საქართველოს მთავრობაზე ცილის წამებისა, აქედან ჩვენ ვცუბობლობთ, რომ ეს ვაჟბატონები მოსულან თურმე საქართველოს გასათავისუფლებლად, და მისი დამოუკიდებლობის გასამტკიცებლათ.

ქართველი კომუნისტები დამოუკიდებლობის დამცველის როლში!

და იგიც უცხო ჯარის საშვალეობით! გაგონილა ამაზე მეტი უტიფრობა?

ვის გაუკონია უცხო ჯარით დაცვა დამოუკიდებლობის და ისიც ხალხის წინააღმდეგ?

მაგრამ ესმის კი ეს ამ არამკითხვ მაცხოვნებებს?

ან იციან მათ რა არის დამოუკიდებლობა?

რასაკვირველია არა. მაშ აფუხსნათ.

დამოუკიდებლობის პირველი და აუცილებელი თვისება ისაა, რომ იგი ემყარება ხალხის ნების ყოფას, მის შინაგან ძალებს, და ამ ძალთა ურთიერთობის ნიადაგზე აშენებს ერის სახელმწიფოებრივ პოლიტიკურ არსებობის ფორმას და ასხამს ამ ფორმაში თავის განსაკუთრებულ შინაარსს. თუ ერში მუშათა დემოკრატია გვეგემონობს და გამგებლობს მისი წყობილებაც სოცია-

F 8348

საქართველოს
ქართული
ბიბლიოთეკა

ლისტურია, თუ მაღალი კლასები ახერხებენ თავის ნება-სურვილის მთელ ერისათვის თავზე მოხვევას — იგი ბურჟუაზიული ან ფეოდალურია. ყოველ შემთხვევაში ბრძოლა სწარმოებს საზოგადოების, ერის შიგნი და ბრძოლის ბედს სწვევტს შინაგან ძალთა შეხლა-შემოხლა ე. ი. აშკარათ და პირდაპირ წარმოგებული კლასობრივი ბრძოლა.

სულ სხვაა როცა ამ სფეროში შემოიჭრება გარეშე ძალა, სულ ერთია მოწვეული იქნება ის შიგნიდან, თუ თავის ნებით მოსული. მაშინ დამოუკიდებლობა ფიქციით იქცევა და ერის გამგებლობა რეალურათ ამ გარეშე ძალის ხელში გადადის. საზოგადოებრივ ენაზე ასეთ ძალას შემოყვანას ეწოდება მოღალატეობა. და ამ მოღალატეობას ჩადიოდენ ყოველთვის უკიდურესი რეაქციონური წრეები. ძველათ საქართველოში ასეთი ბოროტება ხშირათ ჩაუდენიათ განდევნილ ფეოდალებს და ტახტის მძიებლებს. საფრანგეთის რევოლუციაში ეს როლი უცხო ძალის წინამძღოლობისა იკისრეს გადახვეწილმა გრაფებმა, რუსეთში დენიკინ-ვრანგელმა, საქართველოში ბოლშევიკებმა; ამით ეს უკანასკნელი აშკარათ გადაბარდენ რეაქციონურ ბანაკში და ისტორიაშიც ამ სამარცხვინო სახელით გადავლენ. მათი ისტორია ამიერიდან თავის ქვეყნის გაყიდვის ისტორიაა.

არიან გულუბრყველანი, უკრა მეტად კი მოსყიდულნი, რომელნიც ამტკიცებენ, რომ საქართველოზე თავდასხმა რევოლუციური ომის წარმოება იყო. მართალია ეს?

ჩვენ ვიცით, რევოლუციური ომები, რევოლუციური თავდასხმანი, რომელთა მიზანი იყო ერთა განთავისუფლება შინაურ ტირანიისგან. ჩვენ ვიცით ცნობილი ლოზუნგი: „ომი სასახლეებს, მშვიდობა ქო-

ხებს“. მაგრამ რა აქვს საერთო რევოლუციურ თავისუფლებულ იმპერიალიზმს ამ რევოლუციურ ლოზუნგთან?


რასაკვირველია არაფერი. პირიქით იგი სრული მისი წინააღმდეგობაა. მართლაც საქართველოს დამოუკიდებლობა და მისი ისტორია ერთი სანიმუშო ილიუსტრაციაა დემოკრატიული და რევოლუციური შემოქმედების. იგი აღმოცენდა რევოლუციის ქარცეცხლში, როგორც ერთი უდიდესი და უაღრესი დამცველი რევოლუციის მონაპოვარის, თავისუფლების და დემოკრატიზმის; იგი თვით იყო განხორციელება რევოლუციის ერთი უდიდესი ლოზუნგის: ერთა თვითგამორკვევის.

და როგორც ნაყოფი რევოლუციის ის არც ერთხელ არ გადაღობებია მის წინმსვლელობას. პირიქით მან მისცა ქართველ რევოლუციურ საზოგადოებრივობას გზა და საშაღლება თავის შემოქმედებითი ენერჯის და უნარის გამოჩენის. და რადგან ამ საზოგადოებრივობას გაცემონობდა მუშათა კლასი, მან გადაშალა პირველ ყოვლისა რევოლუციური შემოქმედება ამ კლასის. ამით ის შეეთვისა რევოლუციის და შეითვისა იგი, ამით ის შეეჩისხლხორცა მუშათა კლასს, და ეს უკანასკნელი შეიქნა მისი უძლიერესი დამცველი და მოტრფილავი.

და მისი სამი წლის ისტორიის აზის უტყუარი ბეჭედი რევოლუციონერის და სოციალისტის, ე. ი. ბეჭედი მუშათა კლასის. თვითული ეტაპი მისი არსების — იყო ეტაპი რევოლუციის განშტკიცების და გამავრების.

გადავავლოთ თვალი ამ ისტორიას.

26 მაისს აქტი (1918 წლის) გამოცხადდა ოსმალეთის საშინელი საჯრობის თავიდან ასაცდენათ. და ეს მიზანი კიდევ მიღწეულ იქნა.



თითქმის სრულიად უჯაროთ და უპატრონოთ მიტოვებული რევოლიუციური საქართველო გადარჩა იმ ხანათ მტრის ურდოების შემოსევას და რევოლიუცია განადგურებას. შემდეგში ამ დამოუკიდებლობის ნიადაგზე საშინელ და დაუცხრომელ ბრძოლის პროცესში, საქართველომ შეირჩინა ყოველივე ის, რაც მარტის რევოლიუციით იყო მოპოვებული, და რაც ბოლშევიზმის ანარქიამ ჩაყლაპა რუსეთში: თავისუფლება, სოციალური უფლებები, მუშათა კლასის გეგმონია და დემოკრატიული პრინციპები; სამი წლის განმავლობაში საქართველომ გაატარა შინ მრავალი საყურადღებო რეფორმა, მუშათა კანონმდებლობა, ქვეყნის ბუნებრივი სიმდიდრის განსაზოგადოება, აგრარული რეფორმა და სხვა. შექმნა სახელმწიფო აპარატი დაყრდნობილი ხალხის თვითმოქმედებაზე და დემოკრატიულ არჩევნებზე; დაიფარა თავი როგორც რეაქციის, ისე კომუნისტურ ანარქიისაგან. მან შესძლო შინ სამოქალაქო ომის თავიდან აცდენა და საზოგადოებრივ ცხოვრების ახალ ნიადაგზე მოწესრიგება. ერთი სიტყვით რევოლიუციის მონაცემი მან მძლავრ და მტკიცე ფორმებში ჩამოაყალიბა. ერი შეიქმნა თვითმართველი და ნამდვილი დამოუკიდებელი მუშათა კლასის საყოველთაო ცნობილ გეგმონიის ქვეშ.

სამი წელი საქართველოს დამოუკიდებლობის იყო სამი წელი ეროვნული მასშტაბით წარმოებულ რევოლიუციის, რომელიც თავის გზით მიდიდა, თავის მეთოდებით იბრძოდა. და ეს გზა პრინციპიალურად და რადიკალურად განსხვავდებოდა რუსეთის რევოლიუციის გზისაგან. ეს სამი წელი იყო განსახიერება საქართველოს დამოუკიდებელ რევოლიუციის, რომელიც საქართველოს ნიადაგზე,

მის შინაგან სოციალურ საფუძველზე და მის ძალთა განწყობილებაზე იყო დაყრდნობილი.

მას ქონდა თავისი სახე და ეს იყო სახე ქართველი რევოლიუციური დემოკრატიის. სწორეთ ამიტომ ამ სამი წლის განმავლობაში მან გამოამხეურა ერის ყველა სასიცოცხლო ძალები, საძირკველი გაუსკვნა ქართულ ხელოვნებას, ქართულ მეცნიერებას, ქართულ აზრსა და კულტურულ შემოქმედებას.

იგი გახდა ამით ეროვნულ რევოლიუციით, მისი საერთო აღორძინების ხანათ და დასაბამათ.

ღიახ, 1918 წლის 26 მაისის აქტათ დაიწყო ღიადი, ისტორიული ხანა საქართველოს ერის ცხოვრებაში. აი ამით იყო იგი ძლიერი, ამით იყო იგი მიმზიდველი და დაუაღვეელი.

ჩვენ გვიკვირებენ ამ ხანაში ევროპის სახელმწიფოთა ჯარების საქართველოში ყოფნას. ამაში ხედავენ ჩვენ მიერ დამოუკიდებლობის იდეის შელახვას.

მერე მართალია ეს?

რასაკვირველია არა.

პირველი ის, რომ გარეშე ძალა არასოდეს არ ყოფილა დასაყრდნობი ჩვენი მთავრობის. პირიქით, იგი იყო საგანი მისი ბრძოლის. არც გერმანელები, არც ინგლისელები არ ყოფილა მოწვეული შინაურ ძალებზე გასაბატონებლად და ასე ხალხის დასამონავებლად.

არც ერთხელ ამ ჯარის შემოსვლას არ გადაუღუნავს საქართველოს მართველობის ხაზი მათ სასარგებლოთ და არ გაუხრია პოლიტიკური გეზი საქართველოსკ—მისი ნეიტრალიზაცია გარეთ და მისი დემოკრატიზმი შიგნით. ამის მაგალითია თუნდა დენიკინ-ბოლშევიკთა ომებში ჩაურევლობა.

საქართველოს ხალხმა და მთავრობამ

ერთსულოვანი ბრძოლით დაიცევს შემოსულ ბურჟუაზიულ სახელმწიფოთა ჯარების წინააღმდეგ საქართველოს სუვერენობა და მისი თავისუფლება.

ჩვენში შემოსული სახელმწიფონი: გერმანია, ინგლისი მაშინ ჩვენ არ გვცნობდენ, მაგრამ ჩვენი ერის სიმაგრემ აიძულა იგინი ბოლოს აღეარებინათ ჩვენი დამოუკიდებლობა, როგორც ფაქტიურათ, ისე იურიდიულათ. ამ რიგათ დაცულ იქნა დამოუკიდებლობა და განმტკიცებულ იქნა იგი.

დღეს მას ფლობს „წითელი ჯარი“ მოსკოვის, იმ მოსკოვის, რომელმაც მართალია პირველმა იცნო იურიდიულათ საქართველოს დამოუკიდებლობა, მაგრამ პირველმავე შელახა მუხანათურათ, უხეშათ და ურცხვათ თავის სიტყვა და თავის დაპირებანი. კიდევ მეტა, მან იარაღით დაანგრია სამი წლის რევოლუციური ნამუშევარის შედეგები და გააქარწყლა ნაყოფი მთელი ერის, მთელი დემოკრატიის შემოქმედების, ერთი სიტყვით ჩაიდინა ის, რაც არ ჩაუდენია არც გერმანიის კაიზერის ჯარს, არც ინგლისის ფერადკანიაებს.

ბურჟუაზიული იმპერიალისტები ამ მხრივ ბევრათ უფრო მეტა პატივისმცემელნი აღმოჩნდენ ერის უფლების და სუვერენობას, ვინემ მოსკოვის კომუნისტ-იმპერიალისტები და მათი ქართველი აღმებები.

მაშ ასე. ბოლშევიკებმა დაამკვეს დამოუკიდებლობა საქართველოს, — ქართველმა კომუნისტებმა თავის სიბეკით და მოღალატეობით, მოსკოვისამ კი ნაკიონალისტობით და იმპერიალისტობით.

საქართველო „მოკავშირე“ ვახდა საბჭოთა რუსეთის, ბოლშევიკების ტერორი რომ ვიხმაროთ, ჩვენ კი ვამბობთ, რომ იგი გადაება რუსეთს. ამით საქართველოს რევოლუციის მსკლელიობა შეჩერდა, მისი თავისებური ხასიათი, და თვისებები დაი-

ჩრდილა, მოსკოვის ანარქიის ზღვამ ჩაითარია ნავი ჩვენი დემოკრატიულ — რევოლუციური წესიერების და შთანთქმას უზირებს.

როგორ შეიძლება მისი დახსნა ამ შინელი ბედისაგან?

ბოლშევისი ხალხთა შეთანხმება.

მიმდინარე წლის 10 მაისს ხელი მოაწერეს კავკასიის ხალხთა წარმომადგენლებმა შეთანხმებას, რომლის ტექსტი ჩვენ უკვე გამოვაცხევინეთ „თავ. საქართ.“ მე-2 ნომერში.

ამ შეთანხმების მონაწილენი არიან მთიულების, აღერბეიჯანის, სომხეთის და საქართველოს რესპუბლიკები. ეს შეთანხმება ნაკარნახევია იმ შეგნებით, რომ კავკასიის ხალხთ აკავშირებს ერთმანეთს შორის როგორც საერთო ინტერესები და მიზნები, ისე ხანგრძლივი მეზობლობა და საერთო ისტორიული ბედი.

ჩვენ არ შეგვიძლია მხურვალეთ არ მივესალმოთ ამ ნაბიჯს. იგი ნაყოფია დიდი პოლიტიკური და პსიხოლოგიური გარდატეხის, რომელიც უკანასკნელ ხანებში მოხდა კავკასიის ხალხთა ხელმძღვანელ წრეებში. კავკასიის ნორჩი რესპუბლიკები, სმეწუხაროთ, დღემდე ცალცალკე მოქმედებდენ და სოლიდარული და შეთანხმებული მუშაობის მაგიერ ერთმანეთს შორის ქაშაობდენ, რომელიც დროგამოშვებით სამხედრო კონფლიქტებითაჲკი გვირგვინდებოდა. ამით იგებდენ, რასაკვირველია, ამ რესპუბლიკების დამოუკიდებლობის მტრები და არა კავკასიის ხალხები. საქართველოს დემოკრატიული რესპუბლიკის მთავრობამ არა ერთხელ სცადა ამ სამწუხარო მივლენას ბოლო მოვლებოდა. მას არა ერთი და ორი ნაბიჯი გადაუდგამს მეზობლებთან შეთანხმების ჩამოსაგდებათ

და მათთან მკიდრო კავშირის დასამყარებლათ. მაგრამ დღემდის ასეთი ცდა ამაოთ რჩებოდა. და ეს იმიტომ, რომ ჩვენი მეზობლების ორიენტაცია კიდევ არ იყო გამორკვეული და მათი პოლიტიკური აზროვნება ჩამოყალიბებული. მეზობლებში ძლიერი იყო მისწრაფება გარეშე ძალის დახმარებით საკუთარი საქმეების გამოკეთებისაკენ მეზობელთა ხარჯზე და მათ საზიანოთ. არ იყო გამტკიცებული ის შეგნება, რომ კავკასიის ხალხთ თითონვე შეუძლიათ გამოსჭედონ თავისი ბედი და ერთი მეორის ინტერესების გაგებით და შეთანხმებით გაუმკლავდენ საერთო მტრებს, რომლებიც მუდამ ელტოდენ კავკასიის რესპუბლიკათა დამოუკიდებლობის მოსპობას. ამ ქიშპობითა და შეურიგებლობით აიხსნება სხვათა შორის ის გარემოება, რომ დღეს კავკასიის ხალხნი გზინავენ უცხო ძალის ბატონობის მძიმე უღელ კვეშ. დღეს ყველასათვის აშკარაა ის ფაქტი, რომ ბოლშევიკურმა რუსეთმა, რომელიც ჩვენში ფაქტიურათ აწარმოებს ძველი რუსეთის იმპერიალისტურ პოლიტიკას, ისარგებლა კავკასიის ხალხთა დაქაქვით და ადვილათ გაიკაფა გზა იქ, სადაც მას უნდა შეხვედროდა უკანასკნელთა გავრთიანებული ძალა.

მაგრამ ნათქვამია — ზოგი კირი მარგებელიაო. დღეს წარსული ცხოვრების მწარე გაკეთილებმა ბევრი დაარწმუნა იმაში, რომ კავკასიის ხალხთ არ შეუძლიათ ისარგებლონ დამოუკიდებლობით ღმირჩინონ ეროვნული თავისუფლება, თუ არ იქნება მათ შორის მკიდრო პოლიტიკური კავშირი და სურვილი უზიერთის მისწრაფებათა გაგებისა და საერთო მტრისა თუ მტრების წინააღმდეგ საერთო ძალიანით გამკლავებისა.

დეკლარაცია, რომლითაც გამოვიდნ

კავკასიის ხალხთა კანონიერი წარმომადგენელი, უცხოური საბუთის იმის, რომ კავკასიის რესპუბლიკათა შეთანხმების და სოლიდარული მოქმედების საქმეში უდიდესი დაპროვლება უკვე გადალახულია. ვაშობთ უდიდესი, ვინაიდან ეს არ იქნება იმას, თათქო ყველა დაპროვლება და გაუგებრობა საბოლოოთ ძლეული იყოს და შეთანხმების და სოლიდარობის იდეას ამიერიდან არავითარი საფრთხე არ მოელოდეს. ძლიერ ჭრელია კავკასიის ცხოვრების პირობები და მეტისმეტად რთულია აქ დახლართული კვანძი, რომ მისი გახსნა ერთი დაკერით შეიძლებოდეს. მაგრამ სხვა გზა და სხვა საშუალება, ვინემ ნაჩვენებია დეკლარაციაში, არ მოიპოება. თუ კავკასიის ხალხთ ნამდვილათ სურთ თავისუფლებისა და დამოუკიდებლობის დაცვა, თუ ზართლა არ უნდათ მათ მსხვერპლი გახდენ თანამედროვე იმპერიალიზმის მისწრაფების, ისინი უსათუოდ უნდა შეთანხმდენ და შეადგინონ ერთი ძლიერი ფრონტი, რომელიც წინ აღუდგება ყველა მტრულ ძალებს, საიდანაც ან რა მიზნითაც უნდა მოდიოდენ ეს უკანასკნელნი.

საერთაშორისო ომმა და შემდეგ რევოლიუციამ ღრმა კვალი გაავლო ხალხთა ცხოვრებაში; მან გააღრმავა და გააძლიერა ცალკე ეროვნებათა მისწრაფება თავისუფლებისა და დამოუკიდებელი სახელმწიფოებრივი არსებობისაკენ. შემთხვევითი არ არის ის მოვლენა, რომ კავკასიის ხალხებმა პირველი შესაძლებლობისთანავე აღიარეს თავისი თავი დამოუკიდებლათ და არა მკირედი მსხვერპლი მოუტანეს მის დაცვას. ის ფაქტი, რომ კავკასია ამ ჟამათ განიციდის უცხო საოკუპაციო ძალის ბატონობას, არა თუ ანელგებს ამ მისწრაფებას, არამედ კიდევ უფრო აძლიერებს მას და მიუცილებელ საქირობათ ხდის იმ



საშვალებათა გამოჩახვას, რომელიც ნებას მისცემს კავკასიის ხალხთ ალაღვინონ თვისი დამოუკიდებლობა. ეს შეგნება ახასიათებს ამ ხალხთა როგორც ვიწრო ჯგუფებს ისე ფართო წრეებს. დღეს კავკასიაში არ არის ისეთი კუთხე, ისეთი ხალხი ან ტომი, რომელიც ძალუმათ არ მისწრაფოდეს განთავისუფლებისაკენ. ასეთ პირობებში, თქმა არ უნდა, ოფიციალურ წრეების შეთანხმება, შესაფერ გამოძახილს პოებს კავკასიის ფართო დემოკრატიულ წრეებში.

მით უფრო სიამოვნებით შეხვდებიან მას, რომ იგი არ არის ნაყოფი წარმავალი დიპლომატიური კომბინაციის. მას საფუძვლათ უდევს საერთო სარგებლობა და ისეთი პრინციპები, რომლის უარისყოფა არ შეუძლია კავკასიაში მობინადრე არც ერთ ხალხს.

მართლაც, საქმარისია ზერელეთ გადავლოთ თვალი შეთანხმების შინაარსს, რომ ამაში სახეებით დარწმუნდეთ.

ყოველგვარი დავა და უთანხმოება, რომელიც კავკასიის ხალხთა შორის არსებობს ან მომავალში გაჩდება, უნდა გადაწყდეს **სავალდებულო არბიტრაჟის საშვალეობით.**

კავკასიის ხალხთა სოლიდარულ მეგობრობასა და კავშირს საფუძვლათ უნდა ედვას **„საერთო შეხედულებანი და საერთო ორიენტაცია სავარეო პოლიტიკაში“.**

აქედან შეთანხმებული სავარეო პოლიტიკა და თავის დაქერა ისეთი ნაბიჯები-საგან, რომელიც მეორეს ზიანს მოუტანს.

კავკასიის რესპუბლიკათა არსებობას ემუქრებოდენ და მომავალშიაც დაემუქრებიან არა ერთი და ორი გარეშე მტერი. შეთანხმების მონაწილენი, ცალ-ცალკე აღებულნი, უძლიური არიან გაუმკლავდენ მათ, მარა ერთად შეკავშირებულნი, ისინი

საკმაო ძალას წარმოადგენენ თავისთვის.

აქედან გამომდინარეობს **სამხედრო თავდაცვითი კავშირის** აუცილებლობა, რომელიც აღიარებული და მიღებულია დეკლარაციაში.

საერთო ინტერესები მოითხოვენ ეკონომიურ აღორძინების საქმეში ერთი მეორისთვის ხელის შეწყობას და საერთოდ ისეთი ეკონომიური პოლიტიკის წარმოებას, რომელიც თითოეულ ერს საშვალეობას მისცემს არსებობის, განვითარების და შინაური და უცხო ბაზრის გამოყენების. ეს კი იგულისხმებს ცალკე რესპუბლიკათა ეკონომიურ კარჩაქეტილობის მოსპობას და საქონლის თავისუფლათ ტრიალს. ეს არის იდეალი არა მარტო კავკასიის ხალხთა, არამედ ყველა ხალხთა პროგრესიულ ძალებისა.

პოლიტიკურ სფეროში შეთანხმებას აუცილებლათ უნდა მოყოლოდა შეთანხმება ეკონომიურ საქითებში. და ჩვენ ვხედავთ, რომ ამ მხრივაც უდიდესი ნაბიჯია გადადგმული. ისპობა **ყოველგვარი საბაჟო და სადამოვნო დაბრკოლებანი საქონლის თავისუფალ ტრიალის საქმეში.**

დასასრულ, კიდევ ერთი დამახასიათებელი თვისება შეთანხმებისა. უკანასკნელი არავის წინააღმდეგ არ არის მიმართული. მისი ერთად-ერთი მიზანია კავკასიის რესპუბლიკათა თავდაცვა, მათი თავისუფლებისა და დამოუკიდებლობის უზრუნველყოფა. ის არავის ემუქრება, აგრესიული მიზნები მისთვის უცხო და მიუღებელია. პირიქით, ის მიზნათ ისახავს კეთილ-მეზობლური ურთიერთობა დაამყაროს რუსეთთან, ოსმალეთთან და სპარსეთთან, ხოლო პირველის (რუსეთის) ეკონომიურ ინტერესებს სრული დაკმაყოფილება მიეცეს კავკასიის ფარგლებში.



ერთი სიტყვით, ხსენებული შეთანხმება აგებულია თანამედროვე დემოკრატიულ პრინციპებზე, ემსახურება კავკასიის ხალხთა შორის მკვიდრო სოლიდარობის გაძლიერებას, მიზნათ ისახავს მათ დამოუკიდებლობისა და თავისუფლების დაცვასა და განმტკიცებას, ხოლო მეზობლებთან კეთილ-განწყობილებისა და მშვიდობიანობის დამყარებას.

ჩვენი მოვალეობაა დეკლარაციაში გამოთქმულ დებულებებს და პრინციპებს მალე ხორცი შევასხათ და სიტყვა საქმეთაქცით.

კავკასიის ხალხთა წარმომადგენლებს და საზოგადოებრივ წრეებს, დღეიდან მართებთ იღონონ ყოველგვარი საშვალეობა, რათა მიღწეული შეთანხმება დაუბრკოლებლივ პოულობდეს თავის განხორციელებას პრაქტიკულ მოქმედებაში.

ნ. ჟორდანიას გელგიაში.

ქვემოდ აწერილ ნოე ჟორდანიას მოგზაურობიდან ბელგიაში ქართველი ხალხი დაინახავს თუ რა თანაგრძნობით ეპყრობა საქართველოს ბედს ევროპის დემოკრატია და აგრეთვე მთავრობები. თამამად შეიძლება ითქვას, რომ უმაგალითოა ის აღფრაოვანებული და ძმური თანაგრძნობით აღსავსე მიღება, რომელიც ნ. ჟორდანიას ხვდა წილად ბელგიის უმთავრესს ქალაქებში, როგორც მუშათა სოციალისტურ და პროფესიონალურ წრეებში, აგრეთვე მოწინავე პრესისაგან. ნოეს ბრიუსელში ჩასვლის დღეს ბელგიის დედა ქალაქის თითქმის ყველა ვაზეთებმა (როგორც სოციალისტურმა, ისე არა სოციალისტურმა) მოათავსეს მისი სურათი და წერილება საქართველოს დემოკრატიის და მისი ბელადის შესახებ. წერილების უმრავლესობაში გატარებულია ანალოგია საქართველოს

ახლანდელ მდგომარეობისა და ბელგიის მდგომარეობის შორის მსოფლიო ომის დროს. და გამოთქმულია სრული იმედი, რომ საქართველოც ისე განთავისუფლდება უცხო უღლისაგან, როგორც ეს მოახერხა ბელგიის ხალხმა.

ნ. ჟ. ჩაიდა ბრიუსელში 13 ივნისს, მას სადგურზე შეეგებენ სოც. პარტიის დელეგაცია, ვან როს-ბრეკი, ჰიუსმანსი. ეკლერი, და გზეუ „პეუბლ“ (ხალხი) წარმომადგენელი. ვანდრეველდმა გაუგზავნა შესახვედრათ თავის წარმომადგენელი, რადგან თვითონ იმ დროს მთავრობის საგანგებო სტდომამზე იმყოფებოდა.

ნოეს ქონდა პირველ-ყოველისა ნანგრძლივი აღუდინცია და მოლაპარაკება საქართველოს შესახებ მთავრობის თავმჯდომარესა და გარეუე საქმეთა მინისტრთან. ნ. ჟ. სრულიად კმაყოფილი დარჩა ამ მოლაპარაკებით და იმ დაქმარებით, რომელიც აღუთქვეს მას ბელგიის მთავრობის სახელით.

მეორე დღეს ნ. ჟორდანიას მივიდა სოც. პარტიის ე. კომ. სხდომაზე. მისი მისვლისთანავე ე. კ. შესწყვიტა სტდომა და ყველანი ფეხზე ამდგარი ოვაციებით შეხედენ საქართველოს სოციალისტურ პარტიის და ქართველი ხალხის ბელადს. მას მისასლემბელი სიტყვით მიმართა ე. კ. სახელით ვანდრეველდემ, რომელმაც გაიხსენა თავის მოგზაურობა საქართველოში და ის დრმა პატივისცემა, რომლითაც ქართველი ხალხი ეპყრობოდა თავის ბელადს მათი იქ ყოფნის დროს, მოიგონა უკანასკნელი თვეების სამწუხარო ისტორია საქართველოსი და სთქვა: გაიხსენეთ, რომ სამი წლის წინეთ ბელგიაც უცხოელი ჩქქის ქვეშ იმყოფებოდა, მაშინ ჩვენც ისეთივე გადახვეწილები ვყავით, როგორც თქვენ ხართ დღეს. მაშინ ჩვენ ხშირათ დაგვაბადებია



იქვი, ვაი თუ 50 წლის ნამუშევარი სრულიად დაგვეკარგოს გერმანიის ოკუპაციის წყალობითო. მაგრამ შეხედეთ ახლა, რანი ვართ. დღე ეს მაგალითი იყოს თქვენი გამამხნევებელი და განმამტკიცებელი იმ რწმენის, რომ თქვენ სამართლიანათ გამარჯვებთ. ჩვენი პარტიის და პროფ. კავშირების 600,000 წევრის სახელით გიძღვებით ძმურ საღაშს და გამოვთქვამთ იმედს, რომ ახლო მომავალში თქვენ შეძლებთ გექნეთ დაუბრუნდეთ თქვენს საყვარელ სამშობლოში. ძვირფასო ჟორდანია, კეთილშობილი, თავისუფლების და დამოუკიდებლობის მოტრფიალე ერის წარმომადგენლო ნება მომეცით კიდევ ერთხელ მოგიძღვნათ ბელგიის მუშათა კლასის სიმპატია. გაუმარჯოს საქართველოს რესპუბლიკას“. დამსწრეთ აღფრთოვანებული ტაშისცემით დაფარეს ვანდერველდეს მგრძნობიარე სიტყვები.

ნ. ჟორდანია მტათ მგრძნობიარე სიტყვით უპასუხა, სადაც აღნიშნა, რომ ქართველი მუშები ძლიერ კარგათ იცნობენ ბელგიის სოც. პარტიას და ყოველთვის აღტაცებაში მოდიოდნენ მისი მილიანი მოძრაობით და პრაქტიკული საქმიანობით. და თავის მხრივ საქართველოს მუშების და მთელი ერის სახელით უძღვნა მადლობა იმ თანაცრძობის და მორალურ დანმარებისათვის, რომელსაც იღებდა და მიიღებს მათგან შემდეგშიც საქართველოს ხალხი.

შემდეგ დღეებში პარტიამ და პროფეს. კავშირებმა მოაწყვეს ნ. ჟორდანიათ სპეციალური შესახვედრი საღამო მუშათა სახლში; მთელი ვეებერთელა ზალა გაქედილი იყო ხალხით. ნ საათზე სხდომა გაიხსნა დემბრიუკერის თავმჯდომარეობით. ნ. ჟორდანია პრეზიდენტად იჯდა. მის გვერდით იყო ვანდერველდე, მუშა-მინისტრი,

ვოტერი ზ სოც. პარტიის მდივანი ვან ჰოლბრეკი. მუშათა პარტიის მსწერლით მიესალმა ქართველი ხალხის წარმომადგენელს ვანდერველდე, რომელმაც თავის სიტყვაში განაცხადა: „ბელგია ვერ მოკლა მტრის დაპყრობამ, იგი დღეს მკვდრეთით აღმდგარია, არც საქართველო მომკვდარა, იგი ხვალ აღსდგება, (აღფრთოვანებული ტაშისცემამ მოიცვა დარბაზი). საქართველომ მიმართა ერთა ლიგას. ვნახათ, იმ სახელმწიფოებისთვის და განსაკუთრებით ინგლისისთვის, რომლებმაც იცვენეს საქართველოს დამოუკიდებლობა, ეს ცნობა იყო ცალიერი სიტყვა თუ რეალური სინამდვილე. მარა ჩვენ ბელგიელებსაც ბევრის გაკეთება შეგვიძლია საქართველოსთვის. და ჩვენ არ დავაკლებთ არაავითარ ცდას, ავამოძრაებთ საქართველოსთვის მთელ ჩვენ გავლენას განათლებულ კაცობრიობაზე, და ამ აზრით მე შემოვიძახებ: გაუმარჯოს საქართველოს, გაუმარჯოს მუშათა ინტერნაციონალს“. (ხანგრძლივი, დაუსრულებელი ტაში).

ნოე ჟორდანია მადლობა გადაუხადა პარტიას და პროფ. კავშირებს ამ მხურვალე და გულითადი მიღებასათვის და მოკლეთ მოახსენა კრებას საქართველოს ისტორი: მისი დამოუკიდებლობის დღიდან და გადაუშალა სურათი საქართველოს დღევანდელი ახზრების და დანგრევის მოსკოვის იმპერიალისტების „წითელ“ ვულურებისაგან. დაბოლოს მიმართა ბელგიის მუშათა კლასს, რომ მან მორალური დანმარება გაუწიოს ქართველ ხალხს თავის წმინდა ბრძოლაში კომუნისტური დამპყრობელების წინააღმდეგ, მოითხოვოს, რომ მოსკოვმა გაიყვანოს თავის ჯარები და სშვალეება მისცეს ქართველ ხალხს თავის ნების-ყოფის თავისუფლათ გამოთქმის. კრება დიდის ყურადღებით და სულ-



განაბული უსმენდა ნ. ჟორდანის სიტყვას და დაუსრულებელი ოვაციით დააჯილდოვა მოხუცი მებრძოლი.

შემდეგ ილაპარაკა დებრიუკერმა, რომელმაც ბელგიის მუშათა სახელით განაცხადა, რომ ბელგიის მუშები საქართველოს საკითხს გაიხიდან თავის საკუთარ საქმეთ და მთელი თავის ძალღონით იმოქმედებენ მის აღსადგენათ. (ხანგრძლივი ტაშისცემა). ქართველ სოც.-დემოკრატების რეზოლიუცია თფილისში მიღებული გვიჩვენებს ჩვენ გზას, რომელსაც უნდა დავადგეთ: სამივე მუშათა ინტერნაციონალიდან უნდა შესდგეს საარბიტრაჟო კომისია, რომელსაც გადაეცემა საქართველოს საკითხის გადაჭრა... კრება ოვაციებით შეხვდა ამ წინადადებას. და იგი ერთსულვნათ მიღებულ იქნა.

ამის შემდეგ სხდომა დაიხურა.

ბრიუსელიდან ნ. ჟორდანია მიიწვია ანტერპენის სოც. ორგანიზაციამ, როგორც იქაური გაზეთები ვადმოგვეცემენ ანტერპენის მუშათა ორგანიზაციამ ნოე ჟორდანია უმაგალითო დიდებულათ მიიღო; არა ჩვეულებრივი სადღესასწაულო ხასიათი მიეღო ანტე. მუშათა სახლს. ვებერთელა ზღაპრი ტევა არ იყო.

ზალაში ჟორდანიას შემოსვლას, რომელსაც მისდევდენ: პიუსმანსი, დებრიუკერი, ეკელერი და სხვა ცნობილი ამხანაგები, აღტაცებული ოვაციებით შეეგებენ, რომელიც რამდენიმე წუთის ვაგრძელდა. ეკელერმა წარუდგინა დამსწრეთ ნ. ჟორდანია და მოკლეთ დაასურათა ბელგიის და საქართველოს ბედის მსგავსება.

როცა შემდეგ ნ. ჟორდანია წამოიღვა სიტყვის სათქმელათ, მთელი დარბაზი ერთ ტაშისცემათ გადაიქცა. საქართველოს კატასტროფის სურათმა, რომელიც ნოემ დაუბატა მსმენელებს, ძლიერი შთაბეჭდი-

ლება მოახდინა ყველაზე მისი სიტყვა ოვაციებით დასრულდა.

შემდეგ დებრიუკერმა მხატვრულათ და საუცხოვით დაასურათა საქართველოს დემოკრატიული წყობილების თავისებურებანი, მისი ნამდვილი დემოკრატიული სახე. მისი ეკონომიური და პოლიტიკური ორგანიზაციები და სხვ. ბოლოს აღნიშნა ის საშინელი ვანცა, რომელიც დაატყდა ქართველ დემოკრატას რუსეთის „წითლების“ შემოსევით.

შემდეგ შრავალმა მუშა ორატორებმა ილაპარაკეს საქართველოს შესახებ ბ თავისი თანაგრძნობა გამოსთქვეს. საგანგებო მოწვეულმა ფ. ლასალის სახელობის მუშათა გუნდმა შესრულა მრავალი რევოლუციური სიმღერები და მათ შორის ქართული ჰიმნი. ბელგიის პარტიის ცენტრალური ორგანოს საგანგებო კორესპოდენტი, ამ საღამოს აღწერას ასე ათავებს ტელეგრაფით გადაცემულ კორესპოდენციაში: „ანტერპენის სოც. ფედერაცია იმედოვნებს, რომ ამხ. ჟორდანის საუკეთესო მოგონება დარჩება ანტერპენის ამხანაგების მიღებისაგან“.

ამავე დროს გაზეთებში შრავალი წერილები მოათავსეს საქართველოს შესახებ: დებრიუკერმა საგანგებო წერილი უძღვნა თფილისის სახ. თეატრში მიღებულ რეზოლიუციას. იგი სრულიად მხარს უჭერს საარბიტრო კომისიის დაარსებას და შრომბოვს მოსკოვისაგან საქართველოს განთავისუფლებას.

ბელგიის ცენტ. კომიტეტმა სპეციალურ სხდომაზე გამოიმუშავა მთელი რიგი პრაქტიკული ზომები, რომელიც უნდა იქნეს მიღებული საქართველოს ხალხისთვის თავისუფლების დასაბრუნებლად.

ბელგიაში ნ. ჟორდანია ამ დღებში ნამდვილი სახალხო გმირი იყო, რომელ-



ზედაც ყველა ლაპარაკობდა, რომლის მოსვლით ყველა საზოგადოებრივი წრეები დაინტერესებული იყო. მრავალმა საზოგადო მოღვაწემ ინახულა იგი და თავის სალაში გაუგზავნა დროებით დამონებულ საქართველოს. გაზეთები ისე შეეთვისენ მის სახელს, რომ ცნობებს მის შესახებ აწერდნენ მხოლოდ ასე: „ნ. ჟორდანია ბელგიაში“. ყველამ იცოდა ვინ არის ნ. ჟორდანია და რა მისია აქვს მას.

საერთო ბედის თანამოზიარე ბელგიის ხალხში საქართველომ იპოვა თავის საუკეთესო თანამგრძობი და გულშემატყვიარი. და ჩვენი მოხუცი ბელადის შოგზაურობის შემდეგ ეს თანაგრძობა კიდევ უფრო გაძლიერდება.

ბელგიიდან ნ. ჟორდანია გაემგზავრა ინგლისში. იქაურ ამბებზე შემდეგ. ლ.

ინგლისის მუშათა პარტია.

22 ივნისს, ინგლისის მუშათა პარტის (ლაბურპარტი) კონგრესზე დღიურ წესრიგში ერთ უმთავრეს საკითხათ იყო დასმული საკითხი საქართველოს დაპყრობის შესახებ. მოამხენებელათ გამოვიდა ამხ. ქალი სნაოუდენი. აი მისი სიტყვა:


„ამხანაგებო იმ საკითხზე, რომლის შესახებ მე მინდა მოგმართოთ, ორი აზრი არ შეიძლება; ამიტომ, არ მგონია, თუნდ ერთი ხმაც აღმოჩნდეს იმ რეზოლიუციის წინააღმდეგ, რომლის დაცვა მე დამავალა აღმასრულებელმა კომიტეტმა.“

ეს საკითხი სრულიად გარეშე დგას იმ უთანხმოებისაგან, რომელიც არსებობს სოციალისტებსა და კომუნისტებს შორის, რადგან არიან პრინციპები, რომელთაც ერთნაირათ აღიარებს ორივე მიმდინარეობა. და უფლება ერთა თვითგამორკვევისა — ერთი ასეთი საყველთაოდ აღიარებული პრინციპთაგანია.

საქართველოს საკითხი მუშათა პარტიის იმის შესახებ, შეუძლია თუ არა სოციალისტებს, შეუძლია თუ არა ინგლისის მუშათა კლასს დაუშვას ხალხის ნების დარღვევა შეიარაღებული ძალით და ხალხის მიერ თავისუფლად არჩეული მართველობის ფორმის გაუქმება დაპყრობის საშუალებით?

სამი წლის წინეთ ქართველმა ხალხმა გამოაცხადა თავის დამოუკიდებლობა და თავისუფლათ აირჩია თავის მთავრობა. 80⁰/⁰ზე მეტმა ამრჩეველმა ხმა მისცა სოციალისტებს და ამათგან შედგა სოციალისტური მთავრობა საქართველოს რესპუბლიკის. და აი ამ რესპუბლიკას ყოველ მხრიდან შემოესია მტრის ჯარები, მას თავს დაესხნენ ჩრდილოეთიდან, სამხრეთიდან და აღმოსავლეთიდან. შემოჭრილმა ჯარებმა დაანგრის მისი სახელმწიფოებრივი დამოუკიდებლობა, გააუქმეს ქვეყნის თავისუფლება და დაამყარეს ნაძალადევათ რევოლუციურ კომიტეტების ხელისუფლება. მთავრობა, არჩეული ხალხის მიერ, იძულებული იყო მიეტოვებია თავის მიწა-წყალი. და აი აქ ამ ესტრადაზე ჩვენ-შორის დგან ნ. ჟორდანია, პირველი სოციალისტური რესპუბლიკის მთავრობის თავმჯდომარე. (აპლოდისმენტები ნ. ჟორდანისადმი). როგორც სოციალისტი ის მოვიდა ჩვენთან, რომ მორალური დახმარება გვთხოვოს თავის ხალხისათვის.

რას მოითხოვენ ჩვენგან ქართველი სოციალისტები? ისინი მოითხოვენ რომ შეიქმნას საერთაშორისო შერეული კომისია, რომელშიაც შევლენ სოციალისტები და კომუნისტები, და რომ ქართველ ხალხს მიეცეს საშუალება თავისუფლათ, ამ კომისიის ზედამხედველობის ქვეშ, გამოსთქვას რეფერენდუმის საშუალებით თავის ნებისყოფა, და აირჩიოს ესა თუ ის ფორმა მართველობისა.



შეგვიძლია ჩვენ არ დაუქიროთ მხარი ქართველ ამხანაგების ასეთ მოთხოვნას?

არა. უფლება ქართველი ხალხის თვითგამორკვევისა ჩვენთვის ისეთივე სავალდებულოა, როგორც თვითგამორკვევა ირლანდიის ხალხისა. და მე გთხოვთ თქვენ ერთსულოვნაით დაუქიროთ მხარი წარმოდგენილ რეზოლიუციას, რომელსაც მე ვიცავ. დარწმუნებული ვერ, რომ თქვენ ამ შემთხვევაშიაც არ უღალატებთ თქვენს თავს, არ უღალატებთ თავის სოციალისტურ რწმენას, და ერთხმათ მიიღებთ ამ რეზოლიუციას. (აპლოდისმენტები).

რეზოლიუცია.

ვინაიდან ყოფილი საქართველოს მართველობა გაუქმებულ იქნა შეიარაღებულ ძალის მიერ, და რადგან საქართველოს ხალხის წარმომადგენლებმა მოგვეპირათეს თხოვნით, რომ შერეულ კომისიას, შემდგარს დანარჩენი ქვეყნის სოციალისტებისა და კომუნისტებისაგან, დაევალოს გამოარკვიოს საქართველოს ამრჩეველთა თავისუფალი ხმის მიცემას შედეგების მიხედვით, თუ როგორი მართველობის ფორმა სურს უმრავლესობას, კონფერენცია უცხადებს რა ქართველ ხალხს თავის თანაგრძნობას, გამოსთქვამს რწმენას, რომ მას უნდა მიეცეს საშუალება სამხედრო ძალდტანების გარეშე, თავისუფლათ აირჩიოს ფორმა მართველობის, რომელიც მას სასურველათ მიაჩნიათ.

ამიტომ იგი მხარს უჭერს წინადადებას იმის შესახებ, რომ მოხდეს აღნიშნული ხმის მიცემა შერეული კომისიის კონტროლის ქვეშ, ან რაიმე სხვა წესით, რომელიც მიზანშეწონილათ იქნება ცნობილი.

(რეზოლიუცია მიღებული იქნა ერთხმად. დამსწრე კომუნისტებმაც მას ხმა მისცეს).

ერთა ლიგის სასოციალისტო-დემოკრატიული კონგრესი ქუეყანაში.
(6-9 იანვარს 1921 წ.)

ამ კონგრესზე საქართველოს საზოგადოებისაგან იყვნენ კ. საბახტარიშვილი და სიმ. მდივანი, რომელთაც წარუდგინეს კონგრესს დასაბუთებული მოხსენება საქართველოს ესლანდელ მდგომარეობის შესახებ. კონგრესი დიდის სიმპატიით მოგვყარა საქართველოს საკითხს და დასვა ის თავის დღის წესრიგში.

მომხსენებლად საქართველოს შესახებ გამოვიდა ინგლისის საზოგადოების წარმომადგენელი, ცნობილი ინგლისელი ქალი **ლედი გლადსტონი**, რომელმაც თავის მშენიერ სიტყვაში სასტიკად დაძგრო მოსკოვის იმპერიალისტთა მიერ სრულიად უმიზეზოდ საქართველოს დაპყრობა და წარუდგინა კონგრესს შესაფერი რეზოლიუცია მისაღებად.

საფრანგეთის საზოგადოების წარმომადგენელმა **პროფ. ოლარამა** (ისტორიკოსი) მეტად შინაარსიანი სიტყვა წარმოსთქვა, რომელშიაც განსაკუთრებით ხაზი გაუსვა იმ გარემოებას, რომ საქართველო, — ეს დემოკრატიულად მოწყობილი ერი, — დაიპყრო და უკავია უცხოელ ჯარს ქართველი ხალხის აშკარა სურვილის წინააღმდეგო.

მგრძნობიარე და საქართველოს მიმართ სიმპატიით და ქება-დიდებათ აღსავსე სიტყვა წარმოსთქვა აგრეთვე ინგლისელ საზოგადოების წარმომადგენელმა, ქართველი ხალხის მიერ კარგად ცნობილმა **ტომას შაუმს**. მისი სიტყვა მთელმა კონგრესმა მხურვალე ტაშით დააჯილდოვა.

რუსის საზოგადოების წარმომადგენელმა ბრიანჩანინოვმა (ცნობილი რუსის შავრახმელია) მოითხოვა რეზოლიუციის ტექსტში სიტყვები „უცხოელ ჯარმა დაიპყროს“...

F8349

საქართველოს
დემოკრატიული
სოციალისტური
პარტია

მაგიერ შეტანა „ბოლშევიკებმა დაიპყრო...“ ბრიანჩანინოვის აზრი აშკარა იყო, მას სურდა ხაზი გაესვა იმ გარემოებისათვის, რომ საქართველო რუსეთს, ე. ი. უცხოელ ჯარს არ დაუპყრო.

ეს შესწორება კონგრესმა უკუაგდო, რადგან კარგათ მიუხედა ბ-ნ ბრიანჩანინოვის სურვილებს.

კონგრესმა მიიღო შემდეგი რეზოლიუცია:

„კონგრესი, აღიღებულნი საქართველოს ამ დემოკრატიულად მოწყობილ ერის უბედურ მდგომარეობით, რაც გამოიხატება იმაში, რომ იგი უცხოელმა ჯარმა დაიპყრო და უჭირავს მცხოვრებთა სურვილის წინააღმდეგ და რომ მან ანაირად დაკარგა თავის დამოუკიდებლობა და თავისუფლებანი, გამოსტყვევს თავის აღშფოთებას ამის გამო და დაბეჯითებით მოითხოვს ერთა ლიგის საბჭოსა და საერთო ყრილობისაგან მიღებულ იქნას ზომები, რათა პრინციპი ხალხთა თვითგამორკვევის უფლებისა განხორციელებულ იქნას საქართველოს მიმართ“.

აჭარა.

(საქ. კორესპ.)

როგორც ვიცით, აჭარას საქ. რევკომმა (ფ. მახარაძის დეპუტით) აღუთქვა ფართე ავტონომია და მოულოცა მენშევიკების ბატონობისგან განთავისუფლება.

მეჯლისის წევრები ამ დაპირებამ აღტაცებაში მოიყვანა. ზოგი მათგანი ძველი მთავრობის დავმობასაც შეუდგა და ახლის ქებას. მეჯლისის ბათომის რევკომმა მისცა 15 მილიონი, რამაც კიდევ უფრო მოაღებო მათი გული. მამედ ბეგმა ინტერვიუც კი მისცა კომუნისტურ გაზეთს, სადაც ქება-დიდებათ მოიხსენია საბჭოთა მთავრობა და გაკიცხა მენშევიკების მმართველობა.

მეჯლისი შეუდგა მუშაობას და მიღებული მილიონების განაწილებას. მაგრამ მალე მათ სიხარულს ბინდი გადაეფარა. ბოლშევიკებს მამედ ბეგი და მისი მეჯლისი მხოლოდ დროებით სჭიროდათ. ფაქტიურათ კომუნისტები შეუდგენ საკუთარ აგიტაციას ოლქში, რომ კომუნისტებისთვის გავლენა მოეპოვებიათ და კომუნისტური მეჯლისი შეექმნათ.

რევკომის წევრები ოსმალო კომუნისტების თანხლებით დადიოდნენ ოლქში, მართაოდნენ კრებებს, მიტინგებს, აარსებდნენ რევკომებს, და უხსნიდნენ ხალხს კომუნისტების მოძღვრებას.

რევკომმა საიდუმლოთ დაადგინა უეცარი არჩევნების მოხდენა და მთელი მეჯლისის ასე ჩამოშორება.

აქ ასპარეზზე გამოვიდა სედაი მილეთლები. მათ გამოაცხადეს თავის თავი კომუნისტებათ და ბოლშევიკების ფულით შეუდგენ თავის საქმის კეთებას.

მეჯლისის პროტესტი ამის გამო უყურადღებოთ იქნა დატოვებული. მამედ ბეგი დიპლომატიურათ გაისტუმრეს თფილისში საქ. რევკომთან ავტონომიის საკითხებზე მოსალაპარაკებლათ. ამ ხანებში რევკომი შეუდგა არჩევნების მოხდენას ახალი მეჯლისისთვის.

არჩევნები მოახდინეს კიდევ. რასაკვირველია სასაცილო არჩევნები, რომელზედაც ზშირათ რამდენიმე კაცი ესწრებოდა. მაგრამ არჩევნებმა სრულიად მოულოდნელი შედეგები მოუტანა ბოლშევიკებს. არჩეული გამოდგენ ქეზლისტები და რუსეთის მომხრენი, რომელთაც სახელმწიფო ენათ აჭარაში თურქული ენა გამოაცხადეს და ზოგან თხოულობდნენ კიდევ უშუალო კავშირის გამებას მოსკოვთან და ანგორასთან.

რა იყო მიზეზი ასეთი დამარცხების?

ბოლშევიკებმა თავის მოქმედებით დაუ-



კარგეს გავლენა ყოფილ მეჯლისს, ხოლო კომუნისტი კი ხალხს ვერ შეასმინეს. ამით ისარგებლეს ქეშალის აგენტებმა და თავის ავტაცია გააჩაღეს ხალხში; რასაც ხელი შეუწყო ოსმალოს ჯარის იქ ყოფნამ. აქარაში თითქმის ყველგან თურქოფილთა არჩეული რეკომში. ასე რომ ბოლშევიკები ასაზრდოებენ თავის მკერდზე ანტი ქართველურ, ანტი კომუნისტურ ელემენტებს, აშკარათ ოსმალების მომხრეებს.

თვით აქარლებმა საქართველოს ორიენტაციის მომხრეებს ყველას „მენშევიკები“ დაარქვეს და თუნდაც ის კომუნისტობას ჩემულობდეს, მაინც აძევებენ.

ბოლშევიკებმა ეს თვითონაც კარგათ იციან, მაგრამ მაინც ემორჩილებიან გარემობას. მოკავშირე ქეშალს აბა როგორ აწყენინებენ!

აი როგორ გაუკაფეს მათ გზა ქეშალისტურ მეჯლისს.

მამედ ბეგი ისევ თფილისში იყო, როცა შეატყობინეს საქარ. რეკომში ძველი მეჯლისის გადაყენებულია და არჩეულია ახალი კომუნისტურიო. საქ. რეკომმა მაინც დიპლომატობა განაგრძო. მამედ ბეგს დაპირდენ ავტონომიის საკითხის გამოჩვენებას საბჭოთა კონსტიტუციის მიღებისთანავე და უკან გამოისტუმრეს, თან უთხრეს: თქვენთან ვითანამშრომლებთო. დაიმედებული ჩამოვიდა ძველი პრეზიდენტი ბათომში. და განიზრახა „სამ. საქ.“ გამოცემა. მაგრამ ბათომის რეკომისგან უარი მიიღო. თქვენ ვინა ბრძანდებით: ჩვენ ახალი მეჯლისი ავირჩიეთო. თუ წერა გენებათ „კომუნისტში“ სწერეთო.

უშედეგოთ ჩაიარა იმაზე მითითებამაც, რომ თურქულ-რუსული მეჯლისის დიდ საფრთხეს წარმოადგენს საქართველოსთვისო. ბათომის რეკომმა მაინც თავისი არ

დაიწალა. მან მოსთხოვა ძველ მეჯლისს ბინის დაკლა და 15 მილიონიდან დარჩენილი თანხის ახალისთვის გადაცემა.

ასეთ მდგომარეობას ძველი მეჯლისის საპროტესტო დეკლარაციით შეხვდა, რომელშიაც აცხადებენ, რომ მეჯლისის სთვლის რა აქარას საქართველოს განუყრელ ნაწილათ და თავის თავს მის კანონიერ მეჯლისად, უარყოფს ახალ მეჯლისს, როგორც საქართველოს ერთობის წინააღმდეგს და მის დაუკითხავად არჩეულს. ამიტომ მას არ ჩააბარებს არც ფულს არც ანგარიშს. მეჯლისმა დროებით შევებულიაში გაუშვა თავის წევრები შექმნილ მდგომარეობის გამო და დარწმუნებულია, რომ დადგება დრო მეჯლისის ხელახლა შეკრებისათვის.

ასე დამარხეს ბოლშევიკებმა აქარის სათიხი საქართველოსათვის.

განხეთქილება რუსეთის კომუნისტებში.

ჩვენ მივიღეთ წერილი, რომელიც ეკუთვნის ცნობილ ბალშევიკს და გავხანილი იყო საზღვარ-გარეთელი მისი ამხანაგებისათვის. მისი შინაარსი აშკარა ყოფს იმ შინაურ განხეთქილების მოახლოვებას რომელიც ისტორიულათ აუცილებელია რუსეთის კომუნისტური პარტიისათვის.

მოგვყავს იგი სრულად.

ძვირფასო ამხანაგო!

ვიჩქარი გაცნობო, რომ ჩვენ განვიცდით მეტად საშიშ მდგომარეობას. მომხდარის გადმოცემაში მე დაგიცავ სრულს ობიექტივობას. მე ვლაპარაკობ იმ სხდომების შესახებ, რომელსაც ადგილი ჰქონდა ამ დღეებში და რომლებიც ჯერ კიდევ არ დათავებულა ამა თუ იმ გარკვეულ შედეგით. ჯერ-ჯერობით მე შემოიძლია გაცნობო სამი სხდომის ანგარიში,



მეოთხე და უკანასკნელ სხდომის შესახებ გაცნობებ დამატებით შემდეგი შიკრიკის საშუალებით.

ხელმეტათ მიმართა ვაგაფროხილო, რომ რასაც გწერ, სასტიკ საიდუმლოებას შეადგენს და შეიძლება ეცნობოს მხოლოდ უალრესთა პასუხისმგებელ ამხანაგებს. აქაც სხდომებს დაესწრენ კომპარტიის მხოლოდ უმაღლესი ხელმძღვანელები და ნარკომის წევრები. სხდომების საგანი იყო ამხ. ლენინის ახალი კურსის განხილვა.

ამხ. ლენინის მოხსენება ვაგრძელდა თითქმის 2 1/2 საათი; იგი შეიცავს შემდეგ თეზისებს:

1. საერთაშორისო რევოლუციის იმედი არ გამართლდა; ევროპის დღევანდელი მდგომარეობა ამ მხრივ არაერთარ იმედებს არ იძლევა.

2. კომუნისტურ პრინციპების ცხოვრებაში ვატარებას და დაუყოვნებლივ სოციალიზმის განხორციელებას ჩვენს ჩამორჩენილ ქვეყანაში უძლეველი დაბრკოლებანი გადავლობენ; მაგრამ ესეც რომ არ იყოს, მანც სრულებით შეუძლებელია კომუნისტური რუსეთის არსებობა მაშინ, როდესაც ევროპის სახელმწიფოების კაპიტალისტური წყობილება ჯერ კიდევ ძლიერდება და მაგრდება.

3. ჩვენ მიერ დამყნილმა კომუნისტებმა რუსეთი კატასტროფიულ მდგომარეობამდე მიიყვანა; ყოველივე, რაც გაკეთებულა ჩვენ მიერ ამ მიმართულებით (სხვა მიმართულება კი ჩვენ არ გვქონია), აუცილებლათ დაინგრევა.

4. როგორ მოვიქცეთ შემდეგში? ძველი გზით სიარული ნიშნავს იმას, რომ ხელი შეუწყო შინაურ აფეთქებას, რომელიც ყოველ წუთშია მოსალოდნელი, და რომელიც არა მარტო დასამარებს ჩვენს პარტიას სამუდამოთ და შებლაღავს კომუნისტების იდეას, არამედ განაწამებს რუსეთისაც.

ვახვევს ანარქიაში, რომელიც — ვის შეუძლია სთქვას — როდის და რით დათავდება.

წ. დასვენა: ჩვენ დასაღუპავით განწირული ვართ და დავგრჩენია მხოლოდ ყოველივე ღონე ვილონოთ, რომ ვინაა რუსეთის პროლეტარიატი და გლეხობა მოსალოდნელ ანარქიისაგან, თუნდაც ამისთვის ჩვენ დაგვირდეს ყველა პოზიციების დათმობა თვით უჩრდილკის მოწვევაც კი. მართალია, — თუ ჩვენ იძულებული შევიქნებით დავნიშნოთ უჩრდილკის არჩევნები, იძულებული ვიქნებით თავისუფალი არჩევნები გამოაცხადოთ, წინააღმდეგ შემთხვევაში არავინ არ იწმუნებს მას და მაშინ საქმე ვათავდება მით, რისიც ყველაზე მეტად უნდა გვეშინოდეს: აფეთქებით და ანარქიით. დე დავამარცხოვ ამ არჩევნებში, სხვაფერ არც შეიძლება მოხდეს, მაგრამ სხვა უფრო უმტკივნელო გზა არ არსებობს.

ამ მოხსენებამ სხდომის ერთ ნაწილზე მომაცდინებელი შთაბეჭდილება მოახდინა, ხოლო მეორე ნაწილი ამხ. ტროცკის მეთაურობით იმ ზომამდე ააშფოთა, რომ ყოველ სიტყვაზე გაისმოდა უხეში გინება ამხ. ლენინის მისამართით. სხდომის ვაგრძელება შეუძლებელი შეიქნა და კამათი ამხ. კალინინის წინადადებით გადაიღო მეორე დღისთვის.

მეორე სხდომაზე პირველი სიტყვა ამხ. ტროცკიმ წარმოსთქვა. მან სასტიკათ გაილაშქრა ამხ. ლენინის წინააღმდეგ. იგი ამტკიცებდა, რომ ევროპაში სოციალისტური რევოლუციის საკითხი მომწიფებულია და იგი ამ მოკლე ხანში იფეთქებს, ხოლო ამხ. ლენინს მან უწოდა „სოციალ-შატელი“, „სოციალ-პრეტელი“, მუშათა კლასის მოლაღატე, მშიშარა და სხვა. ერთი სიტყვით იგი აღგია ძველ გზას და სასტიკათ გმობს ყოველგვარ დათმობას. ამხ. ტროცკის შემდეგ გამოვიდნენ ამხ.

საქართველო

ბუხარინი, ზინოვიევი და სხვები—თითქმის ყველა ტროცკის მომხრენი. მეტად მკაცრი იყო ამხ. ტროცკის სიტყვა, მაგრამ არც ზინოვიევი და ბუხარინი ჩამორჩნენ მას. როდესაც ოპოზიციამ დაათვა გამოსვლება (სხდომაზე ლენინის მომხრეები უმცირესობას არ შეადგენდნენ, მაგრამ არც ერთს სიტყვა არ წარმოუთქვამს), ამხ. ლენინმა, რომელიც ოპოზიციის სიტყვების დროს დამუნჯებული იჯდა და კრინტი არ დაუძრავს, აიღო სიტყვა და განაცხადა:

„ოპოზიციის დღევანდელმა გაშოსვლამ მე დამარწმუნა, რომ ამ ოპოზიციასთან მუშაობა ყოველად შეუძლებელია. უსაფუძლო ფრაზების და ლეარძლიანი გინების მეტი მე აქ ვერა მოვისმინე რა. ასეთ გამოსვლებზე პასუხის გაცემა თავის დამცირებათ მიმაჩნია, ამიტომ სხდომას ვტოვებ და მივიდვარ“. ამ განცხადების შემდეგ ამხ. ლენინმა სხდომა დასტოვა.

ადვილათ წარმოიდგენთ, ამხანაგო, თუ როგორ იმოქმედებდა ლენინის ასეთი მოქცევა: ყველანი შიშმა მოიკო, შეკრთა ამხ. ტროცკი და სხდომას წინადადება მისცა გაეგზავნათ ამხანაგები ლენინისთვის და ეთხოვათ სხდომაზე დაბრუნება; მანამდე კი სხდომა შეწყდა. საათნახევარზე მეტი ვუცადეთ უნაყოფოთ ამხ. ლენინს, მისი მოყვანა არ მოხერხდა, და ისევ განვაგრძეთ კამათი, მაგრამ უკანასკნელმა მეტად მღელვარე ხასიათი მიიღო. სხდომა დათავდა „სკანდალით“: ერთმა ტროცკის მომხრე ამხანაგმა მეორეს—ლენინისტს სილა გაარტყა.

მეორე დღეს სხდომა ვერ განვახლოეთ, რადგან ამხ. ლენინი კატეგორიულათ უარს ამბობდა კრებაზე მოსულიყო, ხოლო მის დაუსწრებლათ შეკრება ყველას უაზრობათ მიაჩნდა.

დღი მეცადინეობის და შრომის შემდეგ, მესამე დღეს როგორც იყო დასთანხმდა ამხ. ლენინი მოსულიყო სხდომაზე. სხდომის დაწყებისას ყველა ცდილობდა

თავდაქერილათ ყოფილიყო, მაგრამ ღრიალსა მი ორატორის გამოსვლის შემდეგ ადლებებამ კვლავ იჩინა თავი. სხდომის მსვლელობამ მეტად არასასურველი ხასიათი მიიღო: ყველას—როგორც ოპოზიციას, ისე მეორე მხარესაც—დავიწყდათ ამხ. ლენინის მოხსენება და ერთმანეთის ბრალის დადებაზე და შეცდომების მხილებაზე გადავიდნენ. დაუსრულებელი რეპლიკები და ადგილიდან თავდაუქრელი ლაპარაკი ფარავდა ორატორების სიტყვებს: ძნელი იყო იმის გაგება, თუ ვინ რას ლაპარაკობდა. მხოლოდ ერთათ ერთი ამხ. ლენინი იჯდა ჩუმათ თავის ადგილზე, როგორც ქანდაკება, და თავი ისე ეკირა, რომ თითქო მას არავითარი საქმე არ ქონდა ყოველივე იმასთან, რაც იქ ხდებოდა. დაბოლოს ამხ. თავმჯდომარემ, რაკი დარწმუნდა, რომ წესრიგის აღდგენა შეუძლებელი იყო, განაცხადა, რომ იგი კრებას სწყვეტს 15 წუთით.

სწორეთ ამ დროს წამოდგა ამხ. ლენინი და სიტყვა ითხოვა განცხადებისათვის; ყველანი დაწყნარდნენ და სმენათ გადაიქცენ. მან შემდეგი განაცხადა: „დღევანდელმა სხდომამ ერთხელ კიდევ დამარწმუნა, რომ ზოგიერთ ვაგებატონებთან მუშაობა მე სრულებით არ შემიძლია. ამიტომ კატეგორიულათ ვაცხადებ, რომ მე მუშაობას თავს ვანებებ, როგორც პარტიამი, ისე მთავრობაშიაც მანამდე, სანამ თავიანთ ადგილზე დარჩებიან ტროცკი, ბუხარინი და ზინოვიევი“.

ამხ. ლენინმა ამ განცხადების შემდეგ სხდომა დასტოვა. დაიწყო აურხაური და გინება: აგინებდნენ ამხ. ლენინს, აგინებდნენ ერთმანეთს; თავმჯდომარემ სხვა გზა ვერ გამოიხატა და სხდომა დახურა.

მდგომარეობა, თქვენც დამითანხმებით, მეტად მძიმეა. რას მოგვიტანს შემდეგი სხდომა, არ ვიცი, მაინცა და მაინც კარგს არას უნდა მოველოდეთ.

ამხანაგური საღამით ანც—ჩ.



საქართველოს აგებუბი.

წერილიდან. ერთმა ამხანაგმა მიიღო წერილი საქართველოდან, რომელიც დაწერილია მისის 14-ს. აი ზოგიერთი ადგილი ამ წერილიდან: „მაღაზიები სულ დაკალიერდა. მიუხედავად დაპირებისა, ვაქრობა აქ ყოველად შეუწყდებელია. მაგალითად პირველ მისს, რუსის ჯარს და მოსამხატურებს ვაქრების ხარჯზე ვაუმასპინძლდნენ. ჩამოართვეს მათ სასმელები და სხვა, რასაკვირველია უფასოდ და დაურიგეს მოსამხატურებს მცირე ფასით. ერთ ვაქარს 18,000 ბოთლი პორტვინი წაართვეს, მეორეს 30,000 ბოთლი ღვინო და ასე.“

— **დაიწყა „უჩოტები“** ოჯახებშიაც, (მაღაზიები ხომ ადრევე ასწერეს) სწორენ ინსტრუმენტებს, საწერ და საკვრავ მაშინებს, სამოვრებს, ახლა ამბობენ დაიწყება აღწერა დანა-ჩანგლების, თეთრეულის, ფესაკმელების და სხვ. აკრძალეს ავეჯეულობის ერთი ბინიდან მეორეში გადატანა. როცა ბინას რეკვიზიტკას გაუკეთებენ, ავეჯი იქვე უნდა დარჩეს. სხვა და სხვა ჯარის ნაწილებს აქედან წასვლის დროს თან მიაქვთ ავეჯეულობა. ახალ მოსული ჯარები კი მოწყობილ ბინებს ეძებენ და იწუნებენ წასული ჯარების ბინებს. ასე რომ მოკლე ხანში წავა რუსეთში დიდძალი ავეჯეულობა“.

— **ბოლშევიკები** ყოველი ღონისძიებით ცდილობენ **მოსამხატურების** გულის მოგებას, მაგრამ მათი ზომები სასაცილოა, რადგან ყველამ იცის; რომ ეს დროებითაა. მაგ. მოსამხატურებს უფულოთ უშევენ აბანოში. ეძლევათ აგრეთვე უფასო სადილები წანართმევ სანოვაგისაგან და უფასო პროექტორი, უფასო ბინა ბინის პატრონის ხარჯზე. მაგრამ სადილები უკვე იღევა, მაგალითად ქუთაისში სულ ვეღარ

არიგებენ. თფილისში გუშინწინ მკადის ერთი მეოთხედი გირვ. მიუკიათ. აბანოებში შეშა გამოილია, ილიუზიონებში სურათები“.

„**სანოვაგე** თანდათან ქრება ქალაქებში, სოფლად ფული აღარ გადის. ვერაფერს ვერ იყიდი, თუ სამაგიერო საქონელი არ მიუტანე. ქალაქები ამის გამო იცლება. 25%^{ზე} მეტი უკვე წასულია სოფლად. კომუნისტების სიტყვით ამას განგებ შერებთან მენშევიკები, რომელთაც სურთ სოფლის აჯანყებაო. ამიტომ იქერენ ბევრს ქალაქიდან სოფელში ჩამოსულს. საშინელი შიმშილობა იწყება“...

„**ქართული ჯარის** შედგენა ძნელდება; რადგანაც კომუნისტებს, როგორც სჩანს არც სურთ ქართული შეიარაღებული ძალის ყოლა საქართველოში. ხალხი მათ არ ენდობა და იგინი ხალხს“.

ხოლერა. როგორც გადმოგვცემენ რუსეთის საშინელი ხოლერა თფილისსაც სწევია. უკვე მრავალი შემთხვევა იყო ხოლერის გაჩენის, უმთავრესათ ჩამოსულებში. რეეკომი ფუტფუტობს, მარა არავითარი რეალური ზომის მიღება არ შეუძლია.

პოლიტიკური პარტიებიდან თითქმის ყველა, ვარდა ღლონტის მცირედი ჯგუფისა, ერთხმად გმობს ბოლშევიკების საშინელ რეეიმს, რომელმაც ფიზიკურ განადგურებისთან და საშინელ შიმშილთან ერთათ უსახლერო აუტანელი მორალური ტანჯვა მიაყენა ხალხს.

ინტელიგენციის მდგომარეობა ქალაქებში აუტანელია. ვინც მსახურობს შიმშილით კვდება, ვინც არ მსახურობს კიდევ უარეს მდგომარეობაშია. ადგილი ქონდა თვითმკვლელობასაც კი შიმშილობის ნიშნადგებ.